

Des Klagspiegels

XL

¶ Item bestee ich ein hauß/ vnd leihe ein vmb sunst ein wongung darin/ vnd der/ dem die wongung vmb sunst geluhen ist/ fürt sein habe darein/ solche sein habe seind nit schweigend verpfandt/ dann allein vmb schaden/ so die wongung dester böser were worden auß schuld des einwohners.

ff. qui mo. ra. contra. pig. q. q. r. r. u. u. m. ff. in qui. cau. pi. vel hypo. ra. contra. no. locum.

¶ Item merck/ wo einer ein hauß besteeet/ vnd leihet etlichen andern kamern vmb ein zins/ vnd die andern faren mit irer habe ein/ yeglicher wo er bestanden hat/ die habe seind nit für den ganze haußzins pfand/ sund allein für den kammerzins/ vnd wann einer dem haußherren/ oder seinem procurator/ oder dem/ der es bestanden hat/ sein zins bezalt/ ist er ledig.

¶ Merck/ der/ dem dise klag gebürt/ mag mit seinem eigen gewalt hand an die habe legen/ vñ mag die also eingefürten habe im schweigend verpfandt behalten/ beschließen vnd beküern/ vnd dz mag sunst in andern pñanden hypoteca genant sein.

ff. de pig. ac. l. solus tam. s. solutam. ff. de damn. infect. vng. C. ex q. cau. pig. que est dicta. z C. de pig. ac. pignoris. s. vlti. Jo. de bla. nosco.

Hypothecaria.

¶ So du ein pfand wilt fordern in dein gewalt.

¶ Besitzt einer ein farende od ligende habe/ die dein pfand ist/ er sei ein schulder oder ein anderer/ du magst die selben habe in deine gewalt mit diser klag fordern/ die heißet in Latin Hypothecaria.

¶ Am erste gebürt sich/ dz er schuldig sei/ also/ das du warlich dz geluhē gelt gezelt habest/ oder etwas anders/ es sei mit zelen oder mit messen. Oder so ein habe verkauft ist worden vmb schirmes willen der selbigen habe/ ist dir die selbe habe verpflichtet vnd obligiert. Oder so ich verheiß oder gelob etwas zu bezalen/ oder constituier mich selber ein schulder für ein/ vnd setz vñ gib im pfand Also müß ye ein verpflichtung da sein/ auff das dz dise klag gebüre.

Instit. q. mo. recontra. ob. s. vlti. ff. q. po. in pig. ha. l. cred. tor. ff. de constitu. pecu. q. d. autem z de pig. l. s. paro.

¶ Am andern/ das die habe obligiert sei/ oder verpflichtet/ allein mit willen vñ übergebung des/ der sich verpflichtet vnd obligiert hat/ vñ das ist gang/ wann also thund die schulder/ sie sprechen ich will das thün/ vnd setz dir alle meine habe zu pfand/ oder mein weingarten oder wisen alda gelegen. Oder so die habe zu pfand geben würt. Also ist kein vndscheid er hab dir mit wortte die habe zu pfand geben/ oder hab dir das pfand in dein gewalt geben. Wann dir die habe in dein gewalt zu pfand gebē würt/ so heißet es in Latin pignus/ vñ so das nicht geschicht/ so heißet es Hypotheca. Setzest du mir ein garten zu pfand/ ob ich in nimmer gesibe/ dannoch ist er mein pfand.

ff. de pig. ac. l. f.

¶ Am driten/ das die habe sei also/ das sie obligiert vnd verpfendet werden möge/ wüßtu hernach hören von der klag pignoraticia genant.

Instit. qui mo. reco. tra. o. s. creditor.

¶ Am vierden/ das der/ der die habe obligiert vnd verpfendet/ das die habe sein sei/ oder sunst recht zu der habe hab/ oder ob die habe frembd were/ das solich verpfenden mit willen des herren geschehen sei/ oder das er stat habe.

pignus. hypotheca.

¶ Am fünften/ das er sei elter dann .xxv. jar/ der die habe also obligiert.

¶ Am sechsten/ das die habe zu solicher maß sei gewesen/ das sie ward in sundtheit verpfandt/ das im antweder der selben habe halben/ klag oder exception gebürt hette. ¶ Am sibenden/ weren dir die habe in gemein verpfandt worden/ das dann die habe also sei/ das ers auch in sundtheit verpflichtet vñ obligiert het/ als du desg. eichen in der vorgeschriben klag hast.

ff. de pig. act. alias nas res.

¶ Am achten/ das die schuld sei ein rechtlich schuld/ wann wer ein geding gemacht/ das die schuld nimer mehr solt gefordert werden/ het exception stat.

ff. de pig. z que non s. quod dicitur.

¶ Am neunden/ das der ein person gewesen sei/ der das sein obligieren oder verpfenden möcht/ nit furiosus emptor/ nit einer dem die regierung seiner habe verbotten sei.

ff. de pac. si tibi. s. de pignore.

¶ Item nit filius familias/ das ist/ der sün/ der noch nit auß seins vatters gewalt gelassen ist/ so im gelt geluhē ist/ vñ des hafs willen der wücherer/ als du hernach wüßst haben in dem gesetz Senatusconsul. Macedonianum.

ff. de ver. signific. s. cut.

ff. ad macedo. l. i. iustianus.